



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五〇七

半字集二卷考槃集三卷王餘集一卷儀衛軒遺詩二卷 方東樹撰

一

攷槃集文錄十二卷 方東樹撰

九五

寸心知室存稿六卷附隨筆一卷文端公自訂年譜一卷 湯金釗撰

三三一

寸心知室存稿續編二卷 湯金釗撰

四七三

紅豆樹館詞八卷 陶樸撰

五四一

紅豆樹館詩稿十四卷 陶樸撰

六〇三

紅豆樹館逸稿一卷 陶樸撰

七〇九

半字集

卷之五
半字集

半字集序錄

余年十一嘗效范雲作慎火樹詩爲鄉先輩所賞由是人咸以能詩目余余亦時時喜爲之丙子遭憂灰心文字兼悔少作遂盡取而焚焉自後酬應感寄間有謠詠多不滿意輒棄去故篋中畱稿十不能一二今年友人廣州太守胡君曉東書來徵余詩將謀爲代刊乃哀錄四十以後作復加刪汰都纔百餘篇嘗觀唐劉昫虛詩止十餘篇杜審言四十餘篇李巨山有集六十卷今所存一百二十詠而已恨吾詩不逮昔賢耳敢多云乎哉佛書有半字滿字義以別小乘大乘之位愚取半義用志力不足也學未至也道光壬辰二月東樹自題

庭詰論詩示東樹作詩如作人顏曾不易躋忠信以爲
質韓蘇豈非梯五言師漢魏出骨豪其皮初唐效七
古傅粉還施脂小兒彊解事貴戚聊恣睢豈有鈞天
奏漫預凡俗爲沿河必至海築室先正基冥心待淡
造勤如養嬰兒富其忽有獲鬼神亦不知汝才似可
至慎勿用心師轉思亦何必至之徒苦飢

惜抱先生曰寄示之詩乃未見大進於往日當由與俗
人唱和覺其易勝之便不復追希古人此何由能自
卓立有成就可觀乎大抵學古人必始而迷悶苦毫
無似處久而能似之又久而自得不復似之苦初竝

半字集題辭

不知有迷悶難似之境則其人必終身無望矣爲學
非難非易祇在肯用功耳

又評紅梅詩曰三詩有情有韻落韻穩老真似昌黎

上元管異之同評七言古詩締情如韓杜肆事如蘇黃

漢博無涯變化莫測擬諸古人覺務觀失之短伯生

失之弱植之自謂七百年所無吾三復而信之

又贈詩曰朔風吹大江出戶生寒色鷺鳥各休巢哀鴻

猶振翼伊人自遠歸良覲冀可得采蘭方南陔負米

仍東國

自注植之歸自嶺南同適客院以爲必可見矣既而聞有浙右之行不勝悵悵恨時道光六

年十一月也

古人學宦游今人走衣食覽輝託鳳翔執飽

齊狸德幕府昔掄才府僚近匪職爲同子未甘表靈
眾誰識孤身萬里老奇氣一生抑願子有田廬僦用
取耕織守雌於山梁翩然謝矰弋

上元梅伯言曾亮贈詩曰君作皖公客金陵違幾春風

期雖勝我月旦且憑人開府膺時棟

自注君時客於胡果泉中丞幕

中題與首席珍楚筵陳醴舊鄭館授衣新側想傳經

暇遙知得句頻魚書漸繾綣雀躍要悲辛續集雞鳴

久龍登雁行親

自注姬傳先生主講鍾山曾亮同游門下學隨吾輩好交

許後生真問卜皆無召談空各有神元文推子論黃

語不吾瞞香火情非淺杯盤迹未陳萍蓬俄逐浪模

楷忽成塵

姬傳先生根曳病連朝杖傳憂異日薪一哀千

古事兩地百年身膝爲斯人屈眉從若箇伸顧瞻思

大治縮蓄任鴻鈞離合緣終易杼亡感詎潭祇愁良

會日話舊益沾巾又曰植之哦七字高浪駕青鯨索

奈葛一邱孤笑寒花明

又評曰植之之詩妙在字字有凹凸步步有吞吐國

朝詩人無此境界且大段讀去已自成爲植之之詩

不似亮等忽唐而忽宋也

又評龔姚籍君追述金陵舊游曰植之詩所不可及者

才也有才者亦不能如植之失之率也才而不率斯

眞才矣

又評擬虞道園漁村圖曰伯生覺太近人植之詩字句承接固無一步滑也

吳中沈小宛欽韓評曰大著詩文兼絕文則上追周秦下亦擅韓柳歐曾之勝覺李習之孫可之輩褊淺才力俱乏矣七言古詩技昌黎之隨闢少陵之室世俗但見其橫空盤硬以爲生硬而嫌之而未識其氣韻沈酣先賢妥帖排纂良工心苦也

又評送管異之入都曰和韻詩俱有雋味炙而愈出如山谷之次東坡韻已是彊對面目卻殊

半字集題辭

三

又評寄羅月川詩滿紙奇縱之氣彌復章法井然植之自謂東坡寄劉孝叔後七百年不多有信非欺人也題許長昭詩卷此首抑塞悲慨逼眞少陵

蓬甯張亨甫際亮贈詩曰辛卯二月姚石甫先生出示植之先生詩古近體皆出以濟思厚力余尤愛其七言古體佳處殆非近人所能窺見漫綴數語致相慕之意李杜不作韓蘇死歌行作者世餘幾紛紛侈口學四公誰得其皮況骨理春風吹雲在天際變滅萬態誰能擬塵埃不見飛空仙兒曹狡獪詫山鬼吾聞精理復養氣意極淡遠毋浮鄙要從沈鬱得飛動豈

貴識張與劉詭二百年來古調稀何意方侯適有此

方侯學本惜抱翁著書百卷析經史餘事作詩遂絕倫託興妙合風雅旨同時亦有劉孟塗其才自奇氣

已駛我非違眾苦軒輊黃仲吳雪難與茲竝視前年

出都得單老是其歌行最可喜可憐老先世莫知可

惠字芥舟山東高密人著有白羊山人詩稿其七古

最工非其鄉蒞宦漁洋大木秋谷所及然世無知之

者丁亥月以諸生終於家年六十餘矣余己丑六

月於章邱李月汀比部處見其爲李題優余已丑六

爲大家李因覓得其刻藏一本與余今往來皆攜之

篋中書與友朋言俟他日力有餘當錄其七古特梓

之以示後生庶幾近人今念方侯淚如洗此行於山

浮誕靈妄之類波也余至桐城訪先生而先生

失浮渡於人復不遇夫子在安慶郡城覓余致雨不

值青衫白髮老將至頗識苦貧慣遷徙眼中詩在幸

自娛世上浮名看流水上元馬湘驥沉贈詩曰知君鶴貌更清寒嶺嶠三年會

面難作客郭隗非馬骨衆人閱貢祇豬肝昨聞耕道

心猶競君著辨道論詳消萬辭言爲有談天口未乾七百年來無

此作新詩傳寫客中看姚庚甫景衡贈詩曰雲霞作秋色眉宇親故人不暇述

離思聊與慰苦辛繼詢別後務古義紛然陳名譽何

足慕斯文期還純殷殷待彥詰茫茫悲南民行年已

四擇以茲輝千春賤子惜衰憊舊學荒荆榛謬承許
與切況更惠愛眞方將游汗漫已自甘沈淪百年會
有幾羣士奚可因茲辰幸淹留至論相循適大火流
以西涼風來益頻韶景日可俟吾知造物仁樹與庚
甫交最
早最久契最密相與論議酬會最夥今久不見所有
往來文字皆不存檢故篋得此詩讀之慨然載之於
此用識石友
契闊之感

姚石甫望評曰七言諸作橫空盤硬合韓蘇歐黃爲一
手放翁以下或有未能何況諸子

又贈詩曰人生如寄死乃歸此語不妄我所知卻怪造
物苦多事此大逆旅開奚爲貧富貴賤各異受譬如

半字集題辭

五

遠客隨所依金多勢崇得安僂葦屋僕馬憑指揮孔
顏無交尾異地手彈琴瑟身長飢主人不識厭久寓
反索我垢接癢胝途窮乃思故鄉邑雖有至樂難舒
眉世情物理本如此吉凶禍福誰能司古人窮愁殫
解事謂有賞罰吾嘗疑渾渾大化豈有覺矣思丰福
眞兒癡君言窮途不足恨但恐歸去無所攜椿長樵
短自朝暮古今變化無停機江山到處風景好任君
領取天莫私精麤趣殊好惡別持與世較孰得之壯
哉君言有如此歲在辛卯聊自筮植之自言歲
行不利於卯六十
語年未爲足至理所得已不貴儻遇胡貢論市價此

行豈但騁鴟夷乃知逆旅未嘗悲有生來去空嗟咨
馬元伯端辰題七言古詩參杜詩沈鬱李清新蘇海韓
潮總軼倫學到古人齊入化不存面目但存神
又評擬江淹三十首云研精覃思神於摹擬述懷諸篇
尤爲寓意渙而託興遠

姚伯山東之贈詩曰江左談詩方植之近聞華髮已成
絲百年竟爲飢寒縈一顧難逢邂逅知渡海惟翁非
乏術焚琴伯玉任居奇故交冠蓋長安盛獨對斯人
有所思

姚鵬青元之贈詩曰舊鄉多謫日瘴天阻炎威不意數

半字集題辭

六

旬間異地接光輝昔對春花發今見蠻雨霏人情變
舒慘歲節易芳菲嘉藻一何壯文雅縱橫飛靈光歎
不存棘下紛無譏常恐失周道迷或無所依幸子濱
淵源爲我發杼機三門爭澎拜底柱何崔巍高百非
攸庶離羣誠所欲不惜長卿貧但念季女飢非無共
濟心惜哉方舟稀歎息不忍別憂傷使我睥睨子嚴
世經思欲息荆扉新畦剪鹿韭昔宇要龍衣養日涖
晨羞當風吟夕暉夙願豈不偉窮途或恐違孤鴻唳
南海何日復東歸飢驅情志短歲晚悔年非哀人爲
感傷何以食珠璣中章欲有贈欲贈慙力微但願加

餐飯努力報庭闈

胡曉東方朔曰吾鄉詩學自海峰先生振起於前惜抱先生輝映於後於是英才蔚起各隨其性情才力以自成一家人之詩而皆得乎詩學之正故海內言詩者推吾鄉爲極盛非私語也植之師事惜抱先生最久獨以孤高之懷發抑塞之氣沈鬱奇肆不以聲色爲工與同學諸子特異焉其去取過嚴今所存纔百餘首耳因索其稿亟以付梓知不爲雅俗所共賞然必有能辨之者矣道光癸巳夏日識

半字集卷一

古體

庭前紅梅花三首

紅梅一樹短可援攢星萬點綴鮮繁眼明翻訝看者少孤士忤俗難與倫憶昔豐城道中見枯枝凍折雪壓根頗傷失所得憔悴心悲耿耿今猶存此樹繁華植深院寂寞無異依荒園乃知生意天力與區區託地誰復論感衰開謝兩自得真賞豈必待朱門

今年冬日多晴暄庭前梅花開正繁絳苞紅蕊散萬點浮光照眼火欲溫黃昏獨自倚樹看哦詩欲吐輒復吞頗愛退之筆鋒勁著語苦避歐蘇藩少時看花不解詠奔走數里攜瓶尊此地邨醪俗難咽人事差舛那可論不忍清溫與虛擲夜淡爲爾飲風軒

黃鍾律動萬物恩陽氣發亂艸木喧庭前梅花開且落火香綴樹輝朝暾近階雖免烏鵲噪釀暖已引游蜂奔牆頭山月墮寒莽美人獨立風清溫朱衣緋裳看未習謂言何處妖姬魂前日半閒逢凍雪頗憂漂泊摧水痕清晨循階急偵視星星宿火埋灰盆豈料繁華今尙許欲保性命悲貞元

吳佑之購手姬傳先生手書至千百紙之多作小

開弄之悵然賦詩兼示庚甫及金陵諸友

書契既易維同文隨時有作聖所勤當塗典午肆楷出
穿鑿妍醜爭紛紛破體無譏六義廢舉世無人知八分
紙摹石刻見筆法縱橫高蹈各有神千年野鷺誰敢厭
復道顏公變右軍堂堂絕境兩魁漢後來有作川方增
東坡自言書不能曉論大家如傳鑑就中評詩有篤語
今人不解古人磨米顛傳得義獻統吳興華亭堪伯仲
爾來翰墨頗橫流先生下筆飄鸞鳳半世揮毫不甚惜
人間屏幃千金重弟子吳生能好事遺墨淋漓滿齋供
手澤驚心未忍忘煙雲過眼知何用祇恐雷霆檻外過

半字集卷一

二

牆顛屋倒蛟龍縱憶昨與君同追隨秋堂燈火共書帷
當時相依初不覺今日對此雙漣洏鍾山重來風雨散
清淮蕭瑟含悽悲微言圯絕古意歇遁邪游詖喧淫枝

篋中亦有龍騰迹先生之文不枉茲入分抵是肆之近

富之故是從二篆生也中郎嫌俗肆多失故取用篆之

八分以正之文姬之言分明自肆楷出而六書全亡不

知肆之中何者為生於二篆名為八分也杜公云中郎

石經後八分遂惟楷又曰大小二篆生八分其言精審

歐公總稱之曰漢魏其識尤當自世之辭上如張懷瓘

鄭樵吾耶衍紛紛謬說皆無知妄論也或又反議歐公

為失此悖者以不悖為悖也迷悟後學真有捫腹扣盤

之歎趙德父云中郎不經是肆書也吾出漢碑數種請

字源七體於漢志言六體衛恒言四體之外別造偽說
誣惑來學政與穿鑿李陽水之名同其妄耳若魏大覺

寺碑梁庾肩吾唐孫過庭韋續林罕所言皆合之肆楷也

小孤

小孤四面插江水天下無此奇峭比有如賢豪勇致身
青雲不藉階梯起危崖鐵索湧樓殿雖有去路目先死
不知蓬萊方丈定云何祇此決有仙人止過客如雲不
暇游道人常居豈知美我身未往心獨邁俯仰已若三
躡屣先君詩情昔所寄百年神游未忘此先君平日最
詩云直下蛟宮無尺土仰穿鳥道出層霄獨怪常篇事絕闕荒誕遂任標奇
紀自有此江有此山紛紛號讀從誰始東家妄說西家
辨江山無情爭慍喜莊周寓言何所無屈平騷賦還虛

半字集卷一

三

擬詞人狡獪君莫嫌世俗未知那妨爾其道新妝對鏡
開舟中賈客爭狂指君不見江裴姬娥日夕飛相過淩
波迎饒煙濤裏

廬陵

廬陵山水我舊聞山著丹青水篆文眼底清風滿六一
不覺楚越吟奏均公昔仕宦遶鄉里四方山水技偏勤
自言初官優伊洛朝游夕飲富友賓中閒謫寓西陵峽
煙霞揆賞情相親永陽潞陽亦如此泉幽壑美琴音溫
新詩紙上再三說傳之後世久逾新每當把卷輒心醉
身雖未往意獨欣公今不枉鄉里在寂寞千載空遺民

媿無佳句繼公作太息山水聯心存龍眠山溪有佳處
半生我亦忘鄉粉堂前白髮悲游子江上青山謝遠人
問君不歸志何鄙人生由命安逃貧飽死餓死風中雲

水車

惻然機事慚抱神不知夫人亦自徇耶里之言世不出
頃頃空走風波民江西忽睹仁智器木盤抽水安竹輪
江邊三里五里置岸上百耦千耦勻高者過岡遠至郭
磴道不起鋪天紳懷雷慄雪絕綑走魚龍駭遁垂修鱗
餘聲下坂輟轉耳吹風瀉溝珠跳淪我舟十日憂車
過首輒失枕杯去唇嘗聞物聖人事巧述何傷醕古

半字集卷一

四

醕若使此物三代見禹無功德湯無仁兩師閒眠早魁
泣周宣主璧母嗟貧世閒萬事有真用斲輪老去誰能
詢可笑仲舒作繁露穿鑿小術疑神人細思物理亦何
有如此生事情所珍何富貧郭買黃犢行逢沮溺休問
津

榕樹 并序

榕閩粵木也江南無有己卯三月入粵過賴州始
見之布葉垂陰氣接炎塞既心所賞愛復因以生
警悼情見乎詞輒賦此詩

嘗聞莊惠商樹榜心中蓬生如已除又聞櫟社誅匠石

百年幾死爭始得物生不材甘長終乃今又見江邊榕
榕生連天蔭十畝枝葉雖感腹常空人言此木百無用
翦伐不來斤斧縱建章阿房幾劫灰慎勿矜夸作梁棟
太陰選鬼鬼神會欲景翻風接炎塞若使移根近聖居
孔子何心偏植檜五行失性始爲妖曲直不易胡嘗誓
時有用舍意何驕連林不覺無鬱陶馳雲凍雨落氛旄
層城有友應見招路上行人多喝死萬牛迴首石壇高
荔枝

半字集卷一

五

一生宋玉能好色不忍愛此白玉膚朝來有饋盈傾筐
未曾沾齒齒欲香卻愁欲報價難得高格未許千金償
纍纍浦上樹成堆賴肩長擔挑滿街至味從來少眞賞
尤物要待傾城哈吾觀古來諸文士牽連凡果妄相比
若使早見曲江賦子桓太沖盡薈死受氣含滋歲月淡
漿甘醴清斟白水信是天公有意生彈壓植梨橘柚李
可憐枉遠見輕疑寒江青楓映千里
交州涪州產荔枝永元天寶史記之閩人作譜語難信
好事闢品客誣欺海南何有有挂絳瀘州杜園不同錡
當時且謂涪州次此品何由拔流俗有如佳士不園地

區區何分閩與蜀先生一見歎未有日噉三百味未足
豈有至味甘如禮滑然徒被凡口辱杜陵老子亦可憐
布衣鮐背雲壑眠側生見燕遠莫驗同根屈死野岸前
嗟爾懷奇幸無閔古心泯泯皆不傳

韓公南食羅厓映東坡爲口詫良圖二賢高風照千古
嗜好胡乃徒區區豈因憔悴發偏宕聊借口腹寫煩紆
嗟我非謫乃飢驅分甘亦得食其餘乃知尤物移人意
眞賞感激情非迂吾嘗覽觀園圃植葡萄桃酸小槌梨穠
若與荔枝共盤薦高格豈止質味殊決是天公憐窮士
乞與俾之安海隅又思胡不偕士遇自致流落守不渝

半字集卷一

六

三河徙植致遠產憚行難踐疑荒塗上林選木湛惠氣
柏梁賦詩名字無中原無人知爾味南士噉與常果俱
身雖不藏美終晦孰云所見不可誣丹宮玉壺任狼藉
哀哉此是命也夫

寄姚石甫

君昔南游居嶺外相思幾歲勞寄書今君去作閩置吏
我復飄然嶺外居雖然不見望非遠雲作屏兮海作閭
幾回邂逅逢圖安道君政聲不離口百年根株報仇殺
一朝解釋蒙化誘傳道民間誦六條古人繼作今無有
愛君才雄志復堅讀書猛似殼黃閒總角爲文有高論

往往不減過秦篇昨朝寄我書一束筆勢益老意更鮮
崔實荀悅負牆歎媿有千古慚名山令嚴力健勇治劇
法當時用猶春澤君自心清消息空眞用從來智難測
王渙陽琇盡有名仇香希鳳尤堪惜近聞移官臨海島
波濤城郭偏空稻但提天網長魚鼈味負不羞作翁媼
江蟠蜃錯不論錢醉飽哦詩新句好緘詞寄君心莫窮
雲海空嗟鳥路通會知神物有時合我有干將已化龍

度鬼門關

南紀山川禹不到千幽萬秘藏神隩山靈振策走東海
火雲連天向東倒祝融稽首請列藩蒼梧左右相追奔

半字集卷一

七

神官不肖夏南去截斷人迹開鬼門君知鬼門是何狀
日黃如噓風如漲岸社無柯水北流行人一望增惆悵
憶昨梧江二日上仰見天外突兀一片瑩淨堆屏障愛
此青瓊離立層層手欲捫舟迴面轉竊殊相抵疑靈境
出非常豈謂神功竟此方明日肩輿出山背滿川但見
千青羊李白當年流夜郎不逢金雞行過湘東坡白首
海外歸想見餘年增慨傷古人行役非得已我行胡爲
忽至此殘生已厭龍圖窟脫去翻教魍魎喜從來爲身
有大患一飽嶠嶮輕萬里故園蔡外日正夕陟岵瞻望
淚如水

廉州鹽大使廳廡九月益梅感開友人爲作圖
者大使范君請余作詩

誰道萊蕪甌生塵酒香炙美能留賓人言官令氣如春
火維氣偏嗟地遠野卉蠻花無早晚玉豎奮起開秋本
故人粉墨寫作圖戲君何時逃五湖樓載西施來海隅

喜聞羅月川太守解廣州任觀察山東充汴曹濟
道作此奉寄代別

羅侯作守凡幾年 嗣皇繼 聖首登賢

詔把使節濟河閒 充汴曹濟 雨露毋任南方偏春風旂
旂卷以翩樓船髦頭列戈鏃實從雜沓紛後先同官畢

半字集卷一

八

慶民歎怨我聞其言諒由然炎州際海嶺橫天都會饒
富產珠蠙生犀文甲瑋瑋斑斑流離翡翠雜赤珊瑚沈香細
葛載賴肩簞筐百萬堆金錢蕉邪龍眼味新鮮充物寶
物難可殫大帆高桅聯商船美利遠盡蛟龍淵中朝貴
仕誇美銓嫺黨相賀奴僕譴云此莫比握利權不羨銅
山九府園好髮爲髮卽未髡黃魚一枚稻斛論人生如
此自足歡民俗利病知何云嗟爾前賢徒苦艱孟嘗忠
信去珠還隱之持瓢酌貧泉更有錫光及任延排翠冠
屢設媒官子矜城闕化驚頑投牒徒鱗刺史韓父老口
耳語相傳有感直欲爲涕漣爾來屈指年逾千始見使

君出南滇其驚堂字白雀繇良吏德應雷雲孫 用晉書
及唐書 循吏傳 繇公抵死怨公還子美一去誰嗣旃我謂民言
何繇繇昔公有願化蛻蛻 羅侯嘗有願後 化龍之語見羅集 祁祁與雨
潤枯乾德洋施普惠無邊利見要須見在田股肱康哉
歌虞舜安能輕任常牧蠻 用國志 陸楷傳 不及華嚴騰表箋薦
達陸允有名言況今 天子開四門歷選仁明安黎
元冀黃接迹來踟躕緩邊撫裔如几筵不須太守侯龍
編

畬姚循君追述金陵舊游兼簡令兄庚甫

我生百歲始欲半哀樂千端萬端換金陵舊游數平昔

半字集卷一

九

飛雨已是十年散當時師門齊歐韓四方學士爭追攀
微塵埒山水赴壑羅列杞梓僂僂背解衣分食推宅住
邱隅有鳥吟縉蠻居記橋邊捧月杖別憶夢裏愁雲山
情親百事靡不有君家兄弟尤我厚五月秦淮作水嬉
青浪如油飛詞首覆舟龍尾插波底萬權翻動低昂久
管弭哀亮伎歌發言語不聞但揮手是時風起雨亦驟
酒駭掀播疾雷吼鄰舟有女已沈斃醉晚君衣不客走
祇謂歡游歲月淡那知零落有愁侵自從一夢兩慙與
不覺能傷萬古心君既飄零來乞食我亦天地少知音
秦興大令亦可憐罷官不賸看囊錢前年見我揚州郭

蠶無儲葉杳無縣下念黃口之小兒上慚滄浪之高天
天寒內于惜袖短拔劍出門心悵然餽糜只共桃根妾
亮展難追葉令仙與君南國復相聚面顏黯慘推毛羽
勝拳通子那復顧李白杜甫誰相數不惜分飛更離別
裴徊失侶悲鳴苦昨夜西風吹海月照見鄉心滿銅柱
朝來忽得君報書不能讀終淚如雨早知達人貴達命
況歷艱虞飽羞侮試看古來辱士辱幾許紛紛還自取
故園山色不論價一尊却酒力能酤君居城北我市南
相期歸去作賓主

寄贈丁某

半字集卷一

十

處瘠已知勞繫地勢驩況又慘牽時平生夢心博舊史
安處先生能聽之南國一觀胎仙羽何異圭陰度長離
仲宣樓頭吾已老青眼望子杜陵詩

扶桑花

昔聞扶桑柱湯谷上下枝間棲十日赤羽燒人不敢近
誰始移根服南國三年嶺外見百花一一蠻紅數難悉
本棉吐豔烘晴霞芭蕉冒雨垂丹筆西洋海棠口暢情
含朱欲奏雲和曲可憐此樹植牆東燭龍銜照天爲紅
一兩日光不淫陰穴百尺吹長風念汝曾枝習榛棘
上林顏色羣芳空海角寓居

海角亭即杜余所居海門書院之側元范郭伯顏恨

有碑不言其始大約宋時無過客擁卷埋頭日向壁
所建欽州又有天涯亭也
有時臨階鎮相勸要借繁華慰蕭寂昨朝一樹誰斫斷
謀僮扶起疆爲力萬物各欲終天性胡乃爲人恣戕賊
嗚呼何時決能歸去見吾廬獨置奇葩階下植

扶桑花經四時不斷蒂落似落葵繁久似菊蓋得

四氣之精白者一種尤可愛悵然感之復成短韻
安仁昔作閒居賦佳果曜色矜二柰南國受命有盧橘
絳葉素榮紛楚塞云何此樹九陽吐燄之所拂白花蹶
與金精會豈切澳認懲流俗故餐沆蘆起色界汗面常
疑凍雨淡照檻不須曦日挂玉顏肝晚秋復春羣落

半字集卷一

士

盡蘇獨在先生撫柯起太息此白精色諒由內歲寒竝
謝願長友伴汝雲山老松檜士衡歎逝情最哀晚晚戢
景悲相代余年及陸又過十痛每傷多覺心臨安得故
鄉畱不死丹邱羽人仍爲輩

土衡作歎逝賦時年四十因花之難落感念親故先

以自感朝霞瓊藥不可期所發用西京賦卻視此花
眞物外我亦偶此爲汝客他年無人記相對

海門書院春晚讀書

昨折嶺梅赴南國已作迢迢愁遠客嶺梅猶著向南枝
遠客驚看戶開北合浦古都人罕至鬼門距過足心惻
海氛中體寒可畏淫霧蒸人熱尤劇火維氣偏時節異

物候不齊語難極鬢花競開紅早遊晚誰像市果先熟
平地寸步仰看天東雨未晴西日出嗟予真作越流人
足音空喜無行迹木蒼天闊水周堂閉門惟有書連屋
海角亭邊一樽酒流鶯伴客作寒食卻憶江南三月時
牡丹芍藥成拋擲 廟堂祇今賢俊登五十天涯髮徒
白君不見袁伯業平生功用不經世垂老下帷亦何益
九成堂賦詔石

君不見韶州得名以韶石踵事更見九成臺尙書獨載
禮南嶽此地高張胡爲哉韶人至今祀虞帝豈聞依永
音克諧但祝薰風如舜日爲吾解慍還阜財蒼梧九疑

半字集卷一

七

白雲裏孤墳說有重瞳埋書契既遠佚乃見登臨快取
煩襟開五帝遺音後人識安知不與商齊皆東坡作銘
陳天籟山川艸木俱清佳口讀銘肅手拊石武懿傾是
虞兩階所恨茲石不作貢泗濱凡產充磬材安得后夔
取搏拊天邊應有鳳凰來

擬江文通雜體

述懷擬張曲江感遇

白雲在巖阿本自無心出偶然載靈雨俄慰三農畢終
朝卷之散寂爾無尋迹葛生相對后史官闕其職功用
且不知何論祥與秩眾情輕疵賤誰能窺儒術

金石流炎夏霜雪烈冬月時在不可爭須臾勢還輟梅
花不仰開松柏不改葉豈伊疆弱異性各葆貞節萬物
徒芸芸吾契老氏說

虛舟游江湖觸石復挂櫻蜻蜒亦何爭楚臣屢相警乾
坤有至德終始懼自省卽此識夷途不在憂心忼
春煦氣惟和秋陰風勁寒曾未易昏旦變化乘無端居
身錯感召已有異慮千所以大聖人九卦陳憂患
萬難施松上蒲葦生水濱物性各有託類也豈惟民楚
越詎云遠肝胆異所親形骸有畛域無乃匪至仁
建者義爲質眾士貴逢時悠悠聘長路榮吝或異施在

半字集卷一

三

陰有鳴鶴千里應如斯尙通自人道此意竟誰知
華多木不實世以儒爲病外衆苟不遺內熱與世竟踰
淮化丹橘末路渝本性望古緬哲人固窮精力命多言
亦何成要之枉委順

雲泉山館擬王右丞藍田山石門精舍

言尋白雲山山高與雲同城中凌秀潔出郭路已通漸
見佳境逼實奇遂無窮植杖坐盤石瑤艸紛如積睇目
認鶴巢傾耳辨泉脈溪樹一蟬噪密林千翠滴谷音響
遠風嵐煙澹暝夕香飯狎僧徒幽齋謝塵迹宴坐芳襲
衣令卧雲生席澗虛石氣寒夜淡月容碧超然清道心

鳴籟轉虛寂明發促歸去惆悵縈心魄待寫輞川圖持贈山中客

夢游羅浮擬李翰林夢游天姥吟

茅山洞庭口地道通羅浮蓬萊海中央左股割瀛洲耀真自此開神封靈仙窟宅四百峯一生好山結潛夢精感古來聞謝公有約每不到秋駕宛御風尻輪神馬無定在興發卽往知何待二嶽竝體定合離欲往仍愁迷路歧但見丹崖翠嶺盡雲構蔽虧天影兮慄溪奇前行觀石象倒臥寒谿淺拄杖旣符竹迴環不可讀水簾舊有讀書處丹竈今還拾餘粒萑蒲何離離蝴蝶亦翩翩

半字集卷一

古

石樓見日出仙樂聞鈞天銅龍昨被朱仙獲啞虎竟守黃公眠陰室中闕陽宮洞開羽人仙客遙見往來朱明洞深不可入泉聲琴筑爭喧應虛朝眞卽玉京葛令前遣仙女迎獬龍猊虎左右衛并戟參旗當畫明上界三峯路要選鐵橋互絕太清家瑤臺瑤房七十一紫煙飛出凌蒼霞異境恍惚游難畢須臾夢醒驚魄失仙山未必有獸守自是凡人乏仙術夢遠游緣非溼玉漿斟滿勸君餐相期終從抱璞元安能局促長罹世網憂謾屈曲推心肝

越臺懷古擬高常侍古大梁行

高臺千年迹已陳指點處所疑難眞市朝全歸漢版籍居人豈有秦遺民當時秦人初失鹿英雄共起爭馳逐鴻門霸王開赤帝龍川假尉乘黃屋白頭事漢已抱孫易世興亡那可論上書孽后能傾國蹈海忠臣不負恩登臨每愛秋蕭爽胷中今古時往來過客惟夸陸賈裝何人爲弔蠻夷長可憐霸業久消沈老夫死骨無處尋惟有茲臺共越鳥不改邦名直到今

游六榕寺擬韓退之山石

古寺跬步視榜顏人境不遠異寂喧當階日穿榕葉暗陰壁翻動天影圓入尋碑碣認蘇字點畫剝落無一全

半字集卷一

五

庭有高碑表裏皆東坡書字徑寸多剝落不可識升堂啜茗共僧話曉語亦足當談元物外日月絕幽靜鳥聲閒暇花餘妍日暮欲去意未厭照井邊樹重流連須臾隔巷寺門隱迴望寶塢淩蒼煙歸來冥想塵紛剝但覺耳目非從前嗟子流落寡游賞每聞勝境常歎然況更摧折氣難憤那復強句追杜韓

西郊游眺擬柳州南園中題

稍稍涼颯發瑟瑟激商音臥聞秋已至步出西郊尋次寥天宇峻偏仄塵開臨延緣度廣術弱步力不任素節已白露餘熱尙蒸淫徘徊暫茲憩極目亭皋陰生翠飛

帖水丹橘紆連林雁下滿洲野雲去蒼梧岑南州多瘴
霧海氣與重溪微生屬羈賤踪迹本幽沈閉門守寂寞
感念百憂侵亦恨悟道晚順迹始在今忻忻中林賞
爾發孤吟莫言寡所愜足用豁煩襟不睹天地曠何因
生遠心

浴雲樓觀安期生像擬李長吉浩歌

真山不動守蟾兔曉雲無質變烏狗歲歲驪山見東花
安期定先秦皇壽東風吹塵作輦紅馬蹏蹏車隆隆
酒顏花夢漏水續咫尺蓬萊猶裹足至精飛騰化神火
人間會見無知我分明面目不模胡徐福涉海船失柁

半字集卷一

七

聽琴詩擬歐陽永叔贈沈遵

知音之難古猶今向來亦有沈遵琴沈遵昔爲醉翁客
醉翁聽琴感琴心自言醉翁山水意盡寄沈遵琴上音
古今山水無絕息醉翁沈遵難再得君今抱琴來何方
徽以黃金軫玉飾冷冷十指寫幽怨調高弭古何悲惻
子與裹飯子桑門公主遠嫁烏孫國問君抑怨何爲然
心在弭中人未識小來好音妙宮徵蚤有高音動城市
中散每爲哀淑靳戴逵不受黃門使自謂風格頗不薄
肯向俗耳手知已爾來飄零三十年鬢髮蕭疏嗟真齒
榮華萬事不挂眼耳冷心衰餘一死知音固不易善彈

亦無人不作醉翁客誰能憐沈遵我聞買子之琴同雍
門沈遵與汝豈其倫不見醉翁昔日盛賓友曼卿子美
皆遭逐自古聖賢多不遇無以憂患索爾琴使音不和
心煩冤

白雲山擬蘇子瞻武昌西山

白雲在山如濤堆隨風天上何時回憶昔安期此山住
仙山黎棗連雲栽安期一去雲山在知與昔時何殊哉
游人尙浴菖蒲瀉飛鳥自宿鶴舒臺卻從山上望海上
南溟一勺陳樽壘山中有入能好事架巖築室雲窗開
菊湖丹井榜名號常使仙蹟畱山隈當時讀史鄙荒怪

半字集卷一

七

秦皇漢武噉童騃仙人自在人間世童男艸女尋蓬萊
半世崎嶇輕遠涉蠻煙瘴雨吾方來每懷真景念鄉里
夢醒臥看鏡花摧憂患煩惱莽無境安期見我豈不哈
自詫身輕有仙骨欲躡鸞馭相追陪龍泉之水幸乞我
一洗從來塵與埃

試西樵茶恩平絳石硯擬黃山谷團茶洮州絳石

硯詩

西樵揀芽香出籠萬公孫子名家種本願諸種故以恩平茶阮新雲月亦如銅樂從姓說恩平石人周未顯阮研山復著說以彰其美尚書綏南綏長轡退衙脫身罷
世或遂呼爲阮阮云

侍吏急呼季疵召石介好事風流至以類談經舌本苦
乾時哦詩既成自書之安知胷中活國計從容恆若無
所爲圍棋談笑足事業勞勞運甕非我儀

唐荔園懷古擬元遺山西園詩

城西陂塘有荔灣荔枝連林夾平川繁華已矣物色更
五月紅雲烘遠天當時繁華不可說離宮別苑千門揭
闌道一柱費三千殿宇壁帶流膏血雙女峯下阻兵戈
江陵邸舍悲山河焚燬自從阿房炬同望紅雲散孰多
晚唐僞漢人相建百年已見名園改昌華載酒幾經春
誰記前朝舊主賓無情芳物成佳節攬取興亡贈世人

半字集卷

九

雲台宮保以今人所指昌華苑非是
據唐人曹松詩改此地爲唐荔園

儒林鄉漁莊圖擬虞道園漁邨圖

儒林鄉在番
禺西北鄉

往時江頭見漁楊落日青山當畫想畫圖今日見漁莊
神在扁舟身欲往蒹葭蒼蒼是何處江天滿眼心如素
七里瀨中富春郭九江城外青楓路每嗟奔走困埃塵
亦擬垂竿伴釣人那知桺陌菱塘景又向蠻煙瘴雨親
丈夫不仕卽當卷谿山到處不用遡古來幾似謝東山
姓名難爲蒼生免

中秋斷月擬高青邱張校理宅得南字

七見秋月莊嶺南物色光景吾能誦雨多瘴昏積陰晦

半字集卷一

九

海氣四面天如奩初宵水轍始出水林木森然風聲響
須臾騰空正吐燄照耀城郭收煙藍夜濤應高戕二丈
眾星掩綈餘兩三金鑪煮甲篆度渺銀燭列燒光短慙
一年好景最今夕萬舍同仰共歡耽競埽庭除供茗果
飽飣菱藕瓜梨柑舉觴上壽壽未恥邀月作客意則慙
閨門和樂慶非小承平風俗 皇仁覃賡予流落苦
羈旅歎念曩迹情何堪垂年遨游涉江海哀情樂事極
相參江南久居足朋侶文儒彥俊聯驂驛佳辰幸復值
清景相與高會喧嘲哈題詩韻險勇磨作罰酒饒淡驚
舌甜僂更歷漏不知息醉倒往往遺冠夢中庭縱橫踏
若藻衣上凌亂交楓枻乘興湖淮泛煙艇伎樓燈火歌
正酣放棹偏尋閒寂境陰逕石級窮幽揆歸來天街如
潑汞曙鐘已動城西庵雖非團圓在鄉梓但覺適意味
尙甘自戛死亡感離散曠懷那得齊莊聘算歲生涯送
炎瘴嶺猿越鳥增憂悵鬼門距過不自惜何如近處輕
江潭韶陽寓居更寂寞一室令臥如禪龍閉門無事誦
經史油鐙兀兀親書蟬祗今得所就寬便鄧林海水深
包函用退之時居芸
台宮保幕中人生由命自分定大小異受福饒
甌莫教對酒負良夜乾愁自縛如縈繻去年湖決困飛
輓千槁萬般阻濁泔 天庾粟紅不賴此狼戾亦恐飢